


JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101-958/16 HH 
Zenica, 04.02.2016. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-956-1/16 HH od 04.02.2016. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 716-957/16 HH od 04.02.2016. godine u postupku dodjele ugovora za nabavku ulja i maziva, i prihvata se preporuka Komisije za nabavke, da se okvirni sporazum zaključi sa ponuđačem:

ALMY d.o.o. Zenica,

kao najbolje ocijenjenom ponuđaču

Prema ponudi broj: 716-18.538/15 od 28.12.2015. godine, za ponuđenu cijenu bez uračunatog PDV-a u iznosi 8.927,00 KM.

II

Prijedlog okvirnog sporazuma dostavit će se na potpis izabranom ponuđaču Almy d.o.o. Zenica, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-17.742/15 HK od 14.12.2015. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 15.000,00 KM.

Dana 15.12.2015. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-374-3-67/15, objavljena je i tenderska dokumentacija.

Poziv za dostavu ponuda je upućen sljedećim ponuđačima:

1. Almy d.o.o. Zenica,
2. EURO BOJIĆ d.o.o. Zenica,
3. DELBOY d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 29.12.2015. godine u 15:15 sati, utvrđeno je da su sljedeći ponuđači preuzeli tendersku dokumentaciju:

- | | |
|---------------------------------|---------------------------------|
| 1. TIOIL d.o.o., | 11. Trigma d.o.o. , |
| 2. BBS Europe, | 12. UNICO d.o.o. Bijeljina, |
| 3. BRKIĆ PETROL d.o.o. Zenica, | 13. Industrokomerc-Exim d.o.o., |
| 4. MARKER d.o.o. , | 14. D.O.O. PETROL -P, |
| 5. BIOL d.o.o., | 15. Hemoprom d.o.o., |
| 6. Euro Dam-Jas, | 16. VALVOSON d.o.o. Busovača, |
| 7. Inter-com d.o.o. Zenica | 17. HOLDINA d.o.o, |
| 8. Almy d.o.o. Zenica, | 18. DELBOY d.o.o., |
| 9. PETROL BH OIL COMPANY d.o.o. | 19. Lager d.o.o. Posušje, |
| 10. PERO d.o.o. Zenica, | 20. Total Trade d.o.o. |

Komisija za nabavku imenovana je Odlukom broj: 101-5.157/15 MS od 07.04.2015. godine.

Komisija za nabavku je dana 04.02.2016. godine direktoru preduzeća dostavila Zapisnik o ocjeni ponuda broj: 716-957/16 HH od 04.02.2016. godine i Preporuku o izboru najpovoljnijeg ponuđača broj: 716-956-1/16 HH od 04.02.2016. godine, u postupku javne nabavke ulja i maziva.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 20 (dvadeset).

U cilju omogućavanja kvalitetnijeg procesa ispitivanja, ocjene i poređenja prispjelih ponuda, a u skladu sa članom 60. Zakona o javnim nabavkama Ugovorni organ je uputio ponuđačima koji su pravovremeno dostavili svoje ponude zahtjev za produženje perioda važenja ponuda i to minimalno 60 dana, odnosno do 28.02.2016. godine. Svi ponuđači kojima je upućen zahtjev za produženje perioda važenja ponuda su isti dostavili Komisija je ocijenila da:

Polazeći od gore navedenih konstatacija, a shodno odredbama Zakonom o javnim nabavkama, podzakonskim aktima opštim aktima ugovornog organa i tenderskom dokumentacijom Komisija je ocijenila da:

a. Ponuda ponuđača DELBOY d.o.o. Zenica sadrži određene nedostatke i to:

- Kvalitet ulja i maziva u stavci 8 Aneksa 1 Obrazac za cijenu ponude nije u skladu sa traženim (evropskim normama), jer je tražen ACEA E2, a ponuđen API-CF.
- Takođe uočena je računska greška. Naime, pregledom Aneksa 1 - Obrazac za cijenu ponude uočeno je odstupanje u ukupnoj vrijednosti stavki (stavke: 18., 19., 21., 22. i 23.). Ukupna vrijednost u ponudi iznosi 7.321,14 KM bez PDV-a (slovima: sedamhiljadatristotinedvadesetjedan i 14/100 KM bez PDV-a), a računskom provjerom, prema ponuđenim jediničnim cijenama, ukupna vrijednost iznosi 4.377,91 KM bez PDV-a (slovima: četirihiljadetristotinesedamdesetsedam i 91/100 KM bez PDV-a). Zbog prethodno navedenog, dana 25.01.2016. godine Komisija je dopisom broj: 716-1.026/16 BS poslala zahtjev za prihvatanje ispravke računске greške.

b. Ponuđač Delboy d.o.o. Zenica je dopisom od dana 27.01.2016. godine protokolisanim pod rednim brojem: 713-1.474/16 od 29.01.2016. godine izvršio promjenu jedinične cijene za stavke od 18 do 23, a što je protivno članu 17. stav (5) Uputstva za pripremu modela tenderske dokumentacije i ponuda (Službeni glasnik BiH broj 90/14) i Aneksu 1. - Obrazac za pripremu ponuda u dijelu Napomena stavka 4.

U vezi predhodno navedenog ponuda ponuđača Delboy d.o.o. Zenica se odbija na osnovu člana 68. Zakona o javnim nabavkama stav 4. tačka (g) i (i).

- b. Ponuđač Inter-com d.o.o Zenica nije ponudio kvalitetu ulja prema evropskoj normi ACEA A2/B2, kako je to traženo za stavke 3 i 4 Aneksa 1 – Obrazac za cijenu ponude. Ponuđena je samo kvaliteta prema normi ACEA A2. Također, za stavke 5. i 6. nisu ponuđena motorna ulja koja zadovoljavaju tražene VW norme, zbog čega je ponuda istog tehnički nezadovoljavajuća. Iz predhodno navedenih razloga ponuda navedenog ponuđača se odbija, a na osnovu člana 68. tačka 4. stav (i) Zakona o javnim nabavkama.
- c. Ponuđač Brkić Petrol d.o.o. Zenica je dostavio ponudu u kojoj tehnički listovi nisu numerisani po stavkama i isti imaju više različitih proizvoda na jednom tehničkom listu, zbog čega se ponuda navedenog ponuđača odbija, na osnovu člana 68. tačka 4. stav (i) Zakona o javnim nabavkama.
- d. Ponuđač Valvoson d.o.o. Busovača nije ponudio kvalitetu ulja prema evropskoj normi ACEA A2/B2, kako je to traženo za stavke 3 i 4 Aneksa 1 – Obrazac za cijenu ponude. Ponuđena je kvaliteta prema normi ACEA A3/B3/B4-02. Također, za stavku 29. navedeni ponuđač nije ponudio motorno ulje koje zadovoljava traženu normu CAT TO-2, zbog čega je njegova ponuda tehnički nezadovoljavajuća. Iz predhodno navedenih razloga ponuda navedenog ponuđača se odbija, a na osnovu člana 68. tačka 4. stav (i) Zakona o javnim nabavkama.
- e. Ponuđač Almy d.o.o. Zenica je dostavio formalno-pravno i tehnički zadovoljavajuću ponudu, te da je ista prihvatljiva za Ugovorni organ i može biti predmet ocjene shodno utvrđenom kriteriju.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „**najniža cijena**“, Komisija izvršila ocjenu prihvatljive ponude / ponuđača kako slijedi:

1. Almy d.o.o. Zenica

sa ukupnom cijenom ponude od 8.927,00 KM bez uračunatog PDV-a,

te dala preporuku da se okvirni sporazum zaključi sa najuspješnijim ponuđačem Almy d.o.o. Zenica na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



DIREKTOR:

Kahriman Ekrem, dipl.ing.maš.